



Broj: 01-50-1-15-81/05
Sarajevo, 20. juna 2006.

ZAPISNIK

81. sjednice Predstavničkog doma
Parlamentarne skupštine Bosne i Hercegovine,
održane 20. juna 2006. godine

Sjednica je počela u 10,15 sati. Prisustvovalo je 37 poslanika.

Opravdano su odsustvovali: Fatima Leho, Mirsad Sipović, Nijaz Duraković, Vlatka Komšić i Marija Perkanović.

Iz Vijeća ministara BiH sjednici Doma prisustvovao je ministar Safet Halilović. Sjednici su prisustvovali i članovi Izborne komisije BiH Lidija Korać i Vehid Šehić.

Iz međunarodnih organizacija sjednicu su pratili: Maja Ribar, Jelena Despot i Sanja Stanojević – OHR; Amra Agović i Aida Omerović – OSCE.

Predsjedavajući Doma Martin Raguž je u uvodnim napomenama obrazložio izmjene i dopune dnevnog reda, predloženog u pozivu za sjednicu.

Ibrahim Đedović je, primjećujući da u dnevnom redu nema tačke Poslanička pitanja i odgovori, zatražio da se dopusti da poslanici pripremljena pitanja predaju u pisanoj formi.

Zahtjev Ibrahima Đedovića je prihvaćen.

U raspravi o prijedlogu dnevnog reda **Senija Kapetanović** predložila je da se dnevni red dopuni jednim zaključkom – da Predstavnički dom Parlamentarne skupštine BiH zaduži Vijeće ministara BiH da osnuje komisiju od devet članova mješovitog nacionalnog sastava, koja će ispitati stradanje civila na području općine Prijedor u periodu od 1992. do 1995.

Kako nije bilo više prijedloga u vezi s dnevnim redom, predsjedavajući je dao na izjašnjanje prijedlog Senije Kapetanović.

Za su glasala 24, a protiv pet poslanika. Iz Federacije BiH za je glasao 21, a iz Republike Srpske tri poslanika. Predsjedavajući je konstatirao da prijedlog nije dobio entitesku većinu, pa je pokrenuo usaglašavanje u Kolegiju.

Reagirao je Momčilo Novaković, jer nije bio prisutan treći član Kolegija naglašavajući da se u tom slučaju usaglašavanje ostavlja do naredne sjednice.

Odgovorio je Šefik Džaferović upozoravajući da se radi o prijedlogu za dopunu dnevnog reda, nakon čega je Zlatko Lagumdžija zatražio pauzu.

Nakon pauze, provedeno je usaglašavanje u Kolegiju kao komisiji, pri čemu nije bilo saglasnosti, pa je proveden drugi krug glasanja.

U drugom krugu iz Republike Srpske protiv predložene dopune dnevnog reda glasalo je 11 poslanika, što je više od dvije trećine.

Predsjedavajući je konstatirao da prijedlog nije usvojen.

Zatim je predsjedavajući konstatirao da 81. sjednica ima sljedeći

DNEVNI RED

1. Usvajanje zapisnika 78. i 79. sjednice Predstavničkog doma;
2. Zahtjev poslanika Zlatka Lagumdžije za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 105. Poslovnika (zakon od 23.5.2006.);

3. Zahtjev poslanika Beriza Belkića za razmatranje Prijedloga zakona o izmjeni i dopuni Zakona o porezu na dodatu vrijednost po hitnom postupku, u skladu s članom 105. Poslovnika (zakon od 15.5.2006.);
4. Zahtjev poslanika Beriza Belkića za razmatranje Prijedloga zakona o izmjeni i dopuni Općeg zakona o zadrugama po hitnom postupku, u skladu s članom 105. Poslovnika (zakon od 25.5.2006.);
5. Zahtjev poslanika Momčila Novakovića za razmatranje Prijedloga zakona o dopunama Izbornog zakona BiH po hitnom postupku, u skladu s članom 105. Poslovnika;
6. Zahtjev poslanika Jeline Đurković za razmatranje Prijedloga zakona o izmjeni Zakona o Centralnoj banci BiH po hitnom postupku, u skladu s članom 105. Poslovnika;
7. Zahtjev poslanika Momčila Novakovića za razmatranje Prijedloga zakona o izmjenama i dopunama Zakona o koncesijama Bosne i Hercegovine po hitnom postupku, u skladu s članom 104. Poslovnika;
8. Zahtjev Vijeća ministara BiH za razmatranje Prijedloga zakona o izmjenama Zakona o policijskim službenicima po hitnom postupku, u skladu s članom 104. Poslovnika (zakon od 17.5.2006.);
9. Zahtjev Vijeća ministara BiH za razmatranje Prijedloga zakona o izmjeni i dopuni Zakona o policijskim službenicima Bosne i Hercegovine po hitnom postupku, u skladu s članom 104. Poslovnika (zakon od 29.5.2006.);
10. Zahtjev Vijeća ministara BiH za razmatranje Prijedloga zakona o izmjeni Zakona o Državnoj graničnoj službi BiH po hitnom postupku, u skladu s članom 104. Poslovnika (zakon od 29.5.2006.);
11. Zahtjev poslanika Milorada Živkovića i Momčila Novakovića za razmatranje Prijedloga zakona o izmjeni Zakona o autorskom pravu i srodnim pravima Bosne i Hercegovine po hitnom postupku, u skladu s članom 104. Poslovnika (zakon od 18.5.2006.);
12. Zahtjev poslanika Tihomira Gligorića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 104. Poslovnika (zakon od 24.5.2006.);
13. Zahtjev poslanika Selima Bešliagića, Mirsada Ćemana i Beriza Belkića za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 104. Poslovnika;
14. Zahtjev poslanika Mirsada Ćemana i Izeta Hadžića za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 104. Poslovnika;
15. Zahtjev Vijeća ministara BiH za razmatranje Prijedloga zakona o visokom obrazovanju u BiH po hitnom postupku, u skladu s članom 104. Poslovnika;
16. Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje);
17. Prijedlog zakona o izmjenama i dopunama Krivičnog zakona BiH (prvo čitanje);
18. Prijedlog zakona o klasifikaciji djelatnosti u Bosni i Hercegovini (prvo čitanje);
19. Informacija o radu Tužilaštva BiH za 2005. godinu;
20. Izvještaj Istražne komisije za ispitivanje aktivnosti u vezi s izgradnjom Carinskog terminala u Tuzli;
21. Pregled zaključaka Vijeća ministara BiH donesenih povodom razmatranja zaključaka Predstavničkog doma Parlamentarne skupštine BiH;
22. Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata;
23. Razmatranje liste kandidata za imenovanje članova Izborne komisije BiH iz srpskog i bošnjačkog naroda (prijedlog Ad hoc komisije za izbor i imenovanje članova Izborne komisije od 14.2.2006.), nakon obavljenog ponovnog razgovora s kandidatima;
24. Razmatranje ostavki Jasminke Putice, Blage Bošnjaka i Dragice Miletić, članova Ureda za razmatranje žalbi, i upoznavanje s Informacijom o dosadašnjim aktivnostima vezanim za početak rada Ureda za razmatranje žalbi;
25. Davanja saglasnosti za ratifikaciju:
 - a) Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 2004. godini,
 - b) Sporazuma između Vijeća ministara BiH i Vlade Republike Grčke o saradnji u borbi protiv kriminala, posebno terorizma, ilegalne trgovine drogom i organiziranog kriminala,
 - c) Sporazuma između Bosne i Hercegovine i Belgijsko-luksemburške ekonomske unije o recipročnom unapređenju i zaštiti investicija,
 - d) Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država i Protokola za realizaciju Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država,

- e) Sporazuma o zračnom saobraćaju između Vijeća ministara BiH i Vlade Republike Mađarske,
- f) Dodatka kojim se mijenja i dopunjuje Sporazum između visokog predstavnika za Bosnu i Hercegovinu i Bosne i Hercegovine o uspostavljanju Ureda registrara za Odsjek I. za ratne zločine i Odsjek II. za organizirani kriminal, privredni kriminal i korupciju Krivičnog i Apelacionog odjela Suda BiH i Posebnog odjela za ratne zločine i Posebnog odjela za organizirani kriminal, privredni kriminal i korupciju,
- g) Ugovora o finansiranju između Bosne i Hercegovine i Evropske investicione banke – finansiranje projekta Željeznice II.,
- h) Ugovora o intelektualnom vlasništvu za integrirana kola,
- i) Ugovora o uspostavljanju Energetske zajednice,
- j) Roterdamske konvencije o proceduri prethodnog obavještanja o saglasnosti za promet nekih opasnih hemikalija i pesticida u međunarodnoj trgovini.

Ad – 1: Usvajanje zapisnika 78. i 79. sjednice Predstavničkog doma

Ibrahim Đedović imao je dvije primjedbe na Zapisnik 78. sjednice. Prva je da je pogrešno navedeno ime njegove političke stranke - Demokratski narodni savez umjesto Demokratska narodna zajednica. Druga primjedba odnosi se na prijedlog njegovog zaključka, pa je rekao da je u Zapisniku navedeno da je predsjedavajući rekao da njegov zaključak korespondira sa zaključkom Ruže Sopte, a da nije naveden.*¹ Zatražio je da se u Zapisniku navede tekst njegovog zaključka.

S ovom primjedbom, jednoglasno su usvojeni zapisnici 78. i 79. sjednice Predstavničkog doma.

Ad – 2: Zahtjev poslanika Zlatka Lagumdžije za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 105. Poslovnika (zakon od 23.5.2006.)

Jozo Križanović je, u ime predlagača Zakona, podnio obrazloženje.

U raspravi su učestvovali: Tihomir Gligorić, Jozo Križanović, Šefik Džaferović, Momčilo Novaković, Sead Avdić, Dušanka Majkić, Milorad Živković, Zlatko Lagumdžija, Beriz Belkić, Filip Andrić, Vinko Zorić i Martin Raguž.

Poslije rasprave, Dom se izjasnio o zahtjevu za hitni postupak.

Za je glasalo 12, protiv 19, suzdržala su se tri poslanika.

Predsjedavajući je konstatirao da zahtjev Zlatka Lagumdžije za hitni postupak nije usvojen i da će se Prijedlog zakona o izmjenama i dopunama Zakona o porezu na dodatu vrijednost razmatrati u redovnoj proceduri.

Ad – 3: Zahtjev poslanika Beriza Belkića za razmatranje Prijedloga zakona o izmjeni i dopuni Zakona o porezu na dodatu vrijednost po hitnom postupku, u skladu s članom 105. Poslovnika (zakon od 15.5.2006.)

Beriz Belkić ukratko je obrazložio zahtjev i Prijedlog zakona.

Diskutirala je Ruža Sopta.

S 32 glasa za i jednim suzdržanim, Dom je usvojio zahtjev za hitni postupak.

U okviru rasprave o Prijedlogu zakona diskutirali su: Milorad Živković, Ljiljana Milićević, Tihomir Gligorić, Beriz Belkić, Selim Bešlić, Dušanka Majkić, Petar Kunić i Muhamed Moranjković.

S 33 glasa za i dva suzdržana usvojen je Zakon o izmjeni i dopuni Zakona o porezu na dodatu vrijednost.

Ad – 4: Zahtjev poslanika Beriza Belkića za razmatranje Prijedloga zakona o izmjeni i dopuni Općeg zakona o zadrugama po hitnom postupku, u skladu s članom 105. Poslovnika (zakon od 25.5.2006.)

Beriz Belkić ukratko je obrazložio Prijedlog ovog zakona i zahtjev za hitni postupak.

Diskutirao je Nikola Špirić.

¹ Uvidom u transkript i Zapisnik ustanovljeno je da je u Zapisniku upravo naveden prijedlog zaključka Ibrahima Đedovića za koji je predsjedavajući rekao da korespondira s prijedlogom R.Sopte, a zaključak R. Sopte nije naveden u Zapisniku. Ipak, na intervenciju poslanika Đedovića, u Zapisniku 78. sjednice, na 13. strani, iza riječi "prijedlog zaključka" dodate su riječi: «Ibrahima Đedovića»

Dom je jednoglasno usvojio zahtjev za hitni postupak, a zatim i Zakon o izmjeni i dopuni Općeg zakona o zadrugama.

Ad – 5: Zahtjev poslanika Momčila Novakovića za razmatranje Prijedloga zakona o dopunama Izbornog zakona BiH po hitnom postupku, u skladu s članom 105. Poslovnika

Momčilo Novaković obrazložio je zahtjev za proceduru, kao i Prijedlog zakona.

U raspravi su učestvovali poslanici: Elmir Jahić, Milorad Živković, Beriz Belkić, Šefik Džaferović, Momčilo Novaković, Tihomir Gligorić i Filip Andrić, kao i Lidija Korać, član Izborne komisije BiH.

Poslije rasprave, Momčilo Novaković obavijestio je da prihvata sugestiju Živkovića da zahtjev za proceduru s člana 105. promijeni na član 104., kako bi se u komisijskoj raspravi stvorio prostor za raspravu o predloženim odredbama.

Predsjedavajući je dao na glasanje zahtjev za proceduru po članu 104., kako je zahtijevao predlagač Zakona.

Za je glasalo 16 (RS 10, Federacija BiH 6), protiv 11, suzdržala su se dva poslanika.

Predsjedavajući je konstatirao da zahtjev nema entitetsku većinu i da će se odmah provesti postupak usaglašavanja.

Prilikom usaglašavanja nije bilo saglasnosti. Predsjedavajući je proveo drugi krug glasanja kada je iz Federacije BiH protiv glasalo 11, što je manje od 2/3 iz entiteta.

Predsjedavajući je konstatirao da je usvojen zahtjev Momčila Novakovića da se po članu 104. Poslovnika razmatra Prijedlog zakona o dopunama Izbornog zakona BiH.

Ad – 6: Zahtjev poslanika Jelina Đurković za razmatranje Prijedloga zakona o izmjeni Zakona o Centralnoj banci BiH po hitnom postupku, u skladu s članom 105. Poslovnika

Jelina Đurković ukratko je obrazložila potrebu donošenja zakona, kao i zahtjev za hitni postupak.

U raspravi su učestvovali: Martin Raguž, Šefik Džaferović, Jelina Đurković, Ljiljana Milićević, Nikola Špirić, Milorad Živković, Vinko Zorić i Jozo Križanović.

Na sugestije iz rasprave Jelina Đurković je promijenila zahtjev za proceduru s člana 105. na član 104., pa je predsjedavajući Raguž taj zahtjev dao na glasanje.

Za zahtjev je glasalo 14 (iz Federacije BiH 5, iz RS 9), protiv je glasalo 10, suzdržalo se pet poslanika.

Predsjedavajući je konstatirao da nema entitetske većine, pa je predložio da se odmah provede postupak usaglašavanja u Kolegiju kao komisiji. S prijedlogom se nije saglasio drugi zamjenik predsjedavajućeg Šefik Džaferović, nakon čega je predsjedavajući konstatirao da će se usaglašavanje provesti naknadno, u skladu s Poslovnikom Doma.

Ad – 7: Zahtjev poslanika Momčila Novakovića za razmatranje Prijedloga zakona o izmjenama i dopunama Zakona o koncesijama Bosne i Hercegovine po hitnom postupku, u skladu s članom 104. Poslovnika

Nije bilo rasprave o ovoj tački dnevnog reda.

Prilikom glasanja ni ovaj zahtjev nije dobio entitetsku većinu. Za zahtjev je glasalo 13 (Federacija BiH 4, RS 9), protiv 12, suzdržala su se tri poslanika.

Predsjedavajući Raguž rekao je da će se i o ovom zahtjevu naknadno provesti usaglašavanje u Kolegiju kao komisiji.

Ad – 8: Zahtjev Vijeća ministara BiH za razmatranje Prijedloga zakona o izmjenama Zakona o policijskim službenicima po hitnom postupku, u skladu s članom 104. Poslovnika (zakon od 17.5.2006.)

U raspravi su učestvovali Nikola Špirić i Ljiljana Milićević.

Zahtjev za proceduru po članu 104. usvojen je s 23 glasa za, pet protiv i tri suzdržana.

Ad – 9: Zahtjev Vijeća ministara BiH za razmatranje Prijedloga zakona o izmjeni i dopuni Zakona o policijskim službenicima Bosne i Hercegovine po hitnom postupku, u skladu s članom 104. Poslovnika (zakon od 29.5.2006.)

Nije bilo rasprave o ovoj tački dnevnog reda.

Zahtjev za proceduru po članu 104. usvojen je s 24 glasa za, sedam protiv i jednim suzdržanim.

Ad – 10: Zahtjev Vijeća ministara BiH za razmatranje Prijedloga zakona o izmjeni Zakona o Državnoj graničnoj službi BiH po hitnom postupku, u skladu s članom 104. Poslovnika (zakon od 29.5.2006.)

Kratko je diskutirao Momčilo Novaković, rekavši da je na Ustavno-pravnoj komisiji pitao da li je predlagač s nekim ovaj zakon usaglasio, na što je dobio odgovor da nije. Rekao je da zato neće glasati za proceduru po članu 104. Poslovnika.

Više nije bilo rasprave.

Predsjedavajući je zahtjev za proceduru dao na glasanje.

Za su glasala 22 (Federacija BiH 17, RS 5), protiv devet, suzdržao se jedan poslanik.

Predsjedavajući je konstatirao da je zahtjev Vijeća ministara BiH usvojen.

Ad – 11: Zahtjev poslanika Milorada Živkovića i Momčila Novakovića za razmatranje Prijedloga zakona o izmjeni Zakona o autorskom pravu i srodnim pravima BiH po hitnom postupku, u skladu s članom 104. Poslovnika

Bez rasprave, s 24 glasa za (Federacija BiH 13, RS 11) i osam protiv, usvojen je zahtjev poslanika Živkovića i Novakovića za razmatranje Prijedloga zakona o izmjeni Zakona o autorskom pravu i srodnim pravima BiH po članu 104. Poslovnika.

Ad – 12: Zahtjev poslanika Tihomira Gligorića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 104. Poslovnika (zakon od 24.5.2006.)

Tihomir Gligorić ukratko je obrazložio zahtjev za hitni postupak i Prijedlog zakona.

U raspravi su učestvovali: Dušanka Majkić, Nikola Špirić, Ljiljana Milićević, Vinko Zorić i Filip Andrić.

S 22 glasa za (Federacija BiH 12, RS 10) jednim protiv i osam suzdržanih, usvojen je zahtjev za proceduru po članu 104.

Ad – 13: Zahtjev poslanika Selima Bešliagića, Mirsada Ćemana i Beriza Belkića za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 104. Poslovnika

Nije bilo rasprave o ovoj tački dnevnog reda.

S 28 glasova za, jednim protiv i dva suzdržana, usvojen je Zahtjev za proceduru po članu 104. Poslovnika.

Ad – 14: Zahtjev poslanika Mirsada Ćemana i Izeta Hadžića za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 104. Poslovnika

U raspravi o ovoj tački učestvovali su Momčilo Novaković i Mirsad Ćeman.

Za zahtjev za hitni postupak glasalo je 16 (iz Federacije BiH 13, iz RS-a tri poslanika su glasala za zahtjev) a protiv 13 poslanika.

Kako nije bilo entitetske većine, provedeno je odmah usaglašavanje u Kolegiju kao komisiji. Nije bilo saglasnosti.

U drugom krugu glasanja iz RS protiv je glasalo 10 poslanika, što je dvije trećine iz entiteta.

Predsjedavajući je konstatirao da zahtjev za proceduru po članu 104. nije usvojen, pa će se Prijedlog zakona iz ove tačke razmatrati u redovnoj proceduri.

Ad – 15: Zahtjev Vijeća ministara BiH za razmatranje Prijedloga zakona o visokom obrazovanju u BiH po hitnom postupku, u skladu s članom 104. Poslovnika

U okviru ove tačke diskutirali su: Momčilo Novaković, Nikola Špirić, Sead Avdić i Beriz Belkić.

Pošto je u raspravi postavljeno pitanje u vezi s uvrštavanjem ovog zahtjeva u dnevni red, a nije završena procedura o Prijedlogu okvirnog zakona o visokom obrazovanju koji je predložio Momčilo Novaković, sekretar Doma Branka Todorović objasnila je da nema poslovnih smetnji da se na dnevni red stavi zahtjev za proceduru, ali da ne bi mogao doći Prijedlog zakona u čitanje dok se ne završi procedura o pomenutom prijedlogu zakona Momčila Novakovića.

Dom je usvojio zahtjev Vijeća ministara BiH. Za je glasalo 28 (Federacija BiH 20, RS 8) protiv četiri, suzdržalo se deset poslanika.

Ad – 16: Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje)

Poslije uvodnih napomena predsjedavajućeg diskutirao je Nikola Špirić. Zatim je Dom, s 31 glasom za i dva suzdržana, usvojio Prijedlog zakona u prvom čitanju. Usvojen je zatim i prijedlog predsjedavajućeg da se pređe u drugo čitanje. U drugom čitanju nije bilo rasprave.

S 31 glasom za i tri suzdržana, usvojen je Zakon o izmjenama i dopunama Zakona o Obavještajno-sigurnosnoj agenciji BiH.

Ad – 17: Prijedlog zakona o izmjenama i dopunama Krivičnog zakona BiH (prvo čitanje)

Nije bilo rasprave o ovoj tački dnevnog reda.

Prijedlog zakona u prvom čitanju usvojen je jednoglasno, kao i prijedlog da se odmah pređe u drugo čitanje.

Dom je jednoglasno usvojio Zakon o izmjenama i dopunama Krivičnog zakona BiH.

Ad – 18: Prijedlog zakona o klasifikaciji djelatnosti u Bosni i Hercegovini (prvo čitanje)

Također, nije bilo rasprave ni o ovoj tački dnevnog reda. Prijedlog zakona razmatran je i u prvom i u drugom čitanju.

U prvom čitanju Prijedlog zakona usvojen je s 32 glasa za i jednim suzdržanim.

U drugom čitanju Zakon je usvojen jednoglasno.

Ad – 19: Informacija o radu Tužilaštva BiH za 2005.

Poslije uvodnih napomena predsjedavajućeg, u raspravi o ovoj tački učestvovali su: Nikola Špirić, Momčilo Novaković, Sead Avdić i Dušanka Majkić. U ime Tužilaštva BiH govorio je glavni tužilac Marinko Jurčević.

Poslije rasprave, s 31 glasom za i jednim suzdržanim, Dom je prihvatio Informaciju o radu Tužilaštva BiH za 2005.

Ad – 20: Izvještaj Istražne komisije za ispitivanje aktivnosti u vezi s izgradnjom Carinskog terminala u Tuzli

U svojstvu predsjedavajućeg Istražne komisije, Momčilo Novaković podnio je obrazloženje Izvještaja.

U okviru ove tačke vođena je duža rasprava u kojoj su učestvovali: Selim Bešlić, Izet Hadžić, Nikola Špirić, Sead Avdić, Momčilo Novaković, Šefik Džaferović, Muhamed Moranjkić, Ibrahim Đedović, Vinko Zorić, Filip Andrić, direktor Uprave za indirektno oporezivanje BiH Kemal Čaušević, Mehmed Žilić, Elmir Jahić, Mirsad Ćeman i Azra Hadžiahmetović.

Poslije rasprave, predsjedavajući je konstatirao da je u raspravi bilo različitih interpretacija Izvještaja, kao i različitih prijedloga. Naglasio je da on ključnim prijedlogom iz rasprave smatra nužnost da Parlamentarna skupština BiH sačuva svoj dignitet i svoju ulogu nadzornog organa nad institucijama u Bosni i Hercegovini. Zatim je na glasanje dao Izvještaj Istražne komisije sa zaključcima predloženim u Izvještaju.

Elmir Jahić intervenirao je i podsjetio da su oni u raspravi tražili da se o zaključcima predloženim u Izvještaju glasa pojedinačno.

Predsjedavajući Raguž rekao je da je on konstatirao da je bilo različitih prijedloga, od kojih je jedan i od poslanika SDA. Neka svako svoj odnos iskaže kroz glasanje o Izvještaju, rekao je predsjedavajući.

Mirsad Ćeman rekao je da je u raspravi bilo ukazivanja da Izvještaj ne sadrži neke bitne elemente koji bi bili dobri, pa je predložio da se od Komisije zatraži da u Izvještaj možda uvrsti još neke elemente da bi bilo više informacija. Naglasio je da nije sporan prvi zaključak da se SIPA uključi u postupak otvaranja Carinskog terminala.

Azra Hadžiahmetović predložila je, bez obzira na ishod glasanja o Izvještaju, **da se Izvještaj i svi materijali koje je Komisija imala na raspolaganju upute istražnim organima.**

Predsjedavajući Raguž konstatirao je da je rasprava zaključena i da smatra da su svi imali mogućnost da steknu uvid u materiju. Naglasio je da misli da Dom treba obavezivati najviši interes, a to je da se štiti državni interes, pa je zatražio da se Dom prvo izjasni o Izvještaju Istražne komisije, rekavši da će nakon toga na glasanje dati predloženi zaključak.

Za Izvještaj je glasalo 16, protiv osam, suzdržala su se četiri poslanika. Iz Federacije BiH za je glasalo osam, što je manje od jedne trećine.

Predsjedavajući je konstatirao da Izvještaj nije dobio entitetsku većinu i da slijedi postupak usaglašavanja.

Zatim je predsjedavajući na glasanje dao prijedlog zaključka Azre Hadžiahmetović - **da se Izvještaj i svi materijali koje je Komisija imala na raspolaganju upute istražnim organima.**

Ovaj zaključak usvojen je jednoglasno – u momentu glasanja bilo je prisutno 28 poslanika.

Ad – 21: Pregled zaključaka Vijeća ministara BiH donesenih povodom razmatranja zaključaka Predstavničkog doma Parlamentarne skupštine BiH

Poslije kraćih uvodnih napomena predsjedavajućeg, Milorad Živković predložio je zaključak – da se zaduži Vijeće ministara BiH da ažurira listu zaključaka i Domu dostavi kompletiran materijal u formi izvještaja o realizaciji zaključaka do 31. 7. 2006., nakon čega će Kolegij taj izvještaj staviti na dnevni red.

U raspravi su učestvovali Jozo Križanović i Ibrahim Đedović. U osnovi je podržan prijedlog zaključka Milorada Živkovića, ali je prigovoreno na rok, pa je predloženo da se rok skрати.

Poslije rasprave, Dom je jednoglasno usvojio

Z A K L J U Č A K

Predstavnički dom Parlamentarne skupštine BiH zadužuje Vijeće ministara BiH da ažurira listu zaključaka i Domu dostavi kompletirani materijal u formi izvještaja o realizaciji zaključaka Predstavničkog doma, najkasnije do 10. jula 2006.

Ad – 22: Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata

Predsjedavajući je u uvodnim napomenama podsjetio poslanike na proceduru, kao i aktivnosti koje su do sada provedene u vezi s članovima Upravnog odbora Javnog RTV servisa, kao i na zakonske odredbe koje reguliraju ovu proceduru. Na kraju je rekao da Regulatorna agencija nije dostavila rang-listu za kandidate iz bošnjačkog naroda.

U raspravi je učestvovao Tihomir Gligorić.

U ime Regulatorne agencije govorila je Helena Mandić, koja je kazala da ima dopis koji je upućen Parlamentarnoj skupštini BiH, s prijemnim pečatom Parlamentarne skupštine BiH, kojim je dostavljena rang-lista i za kandidate iz bošnjačkog naroda.

Predsjedavajući Raguž rekao je da ima informaciju od Službe da to nije dostavljeno, pa pošto listu nismo dobili na vrijeme, predložio je da se ovo skine s dnevnog reda.

Dom je jednoglasno prihvatio ovaj prijedlog predsjedavajućeg.

Predsjedavajući je zadužio Službu da utvrdi sve neophodne pretpostavke, kako bi se imenovanje uvrstilo na sljedeću sjednicu.

Ad – 23: Razmatranje liste kandidata za imenovanje članova Izborne komisije BiH iz srpskog i bošnjačkog naroda (prijedlog Ad hoc komisije za izbor i imenovanje članova Izborne komisije od 14.2.2006.), nakon obavljenog ponovnog razgovora s kandidatima

Predsjedavajući je u uvodnim napomenama podsjetio poslanike na proceduru koja je vođena u postupku imenovanja članova Izborne komisije BiH.

Nije bilo rasprave o ovoj tački dnevnog reda.

Predsjedavajući je ponovo na glasanje dao prijedloge Ad hoc komisije za izbor i imenovanje članova Izborne komisije BiH iz srpskog i bošnjačkog naroda, redosljedom kako je predložila Ad hoc komisija.

S 24 glasa za (Federacija BiH 17, RS 7) i dva suzdržana, potvrđeno je imenovanje Tihomira Vujičića za člana Izborne komisije BiH.

S 28 glasova za potvrđeno je i imenovanje Vedrana Hadžovića za člana Izborne komisije BiH.

Ad – 24: Razmatranje ostavki Jasminke Putice, Blage Bošnjaka i Dragice Miletić, članova Ureda za razmatranje žalbi, i upoznavanje s Informacijom o dosadašnjim aktivnostima vezanim za početak rada Ureda za razmatranje žalbi

U kraćoj raspravi učestvovao je Jozo Križanović.

Dom je jednoglasno prihvatio ostavke Jasminke Putice, Blage Bošnjaka i Dragice Miletić na dužnosti članova Komisije za razmatranje žalbi.

Ad – 25: Davanje saglasnosti za ratifikaciju:

- i) Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 2004. godini,
- j) Sporazuma između Vijeća ministara BiH i Vlade Republike Grčke o saradnji u borbi protiv kriminala, posebno terorizma, ilegalne trgovine drogom i organiziranog kriminala,
- k) Sporazuma između Bosne i Hercegovine i Belgijsko-luksemburške ekonomske unije o recipročnom unapređenju i zaštiti investicija,
- l) Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država i Protokola za realizaciju Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država,
- m) Sporazuma o zračnom saobraćaju između Vijeća ministara BiH i Vlade Republike Mađarske,
- n) Dodatka kojim se mijenja i dopunjuje Sporazum između visokog predstavnika za Bosnu i Hercegovinu i Bosne i Hercegovine o uspostavljanju Ureda registrara za Odsjek I. za ratne zločine i Odsjek II. za organizirani kriminal, privredni kriminal i korupciju Krivičnog i Apelacionog odjela Suda BiH i Posebnog odjela za ratne zločine i Posebnog odjela za organizirani kriminal, privredni kriminal i korupciju,
- o) Ugovora o finansiranju između Bosne i Hercegovine i Evropske investicione banke – finansiranje projekta Željeznice II.,
- p) Ugovora o intelektualnom vlasništvu za integrirana kola,
- i) Ugovora o uspostavljanju Energetske zajednice,
- k) Roterdamske konvencije o proceduri prethodnog obavještanja o saglasnosti za promet nekih opasnih hemikalija i pesticida u međunarodnoj trgovini.

Predsjedavajući je u uvodnim napomenama rekao da je Komisija za vanjske poslove razmatrala akte iz ove tačke dnevnog reda i dala prethodnu saglasnost za njihovu ratifikaciju.

Nije bilo rasprave o ovoj tački dnevnog reda.

Dom je jednoglasno dao saglasnost za ratifikaciju svih akata iz ove tačke.

Ovim je realiziran dnevni red 81. sjednice Predstavničkog doma.

Predsjedavajući je obavijestio poslanike da će se 7. jula 2006. održati plenarna sjednica oba doma, a zatim i 82. sjednica Predstavničkog doma.

Sjednica je završena u 18,10 sati.

Sastavni dio Zapisnika je transkript 81. sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Martin Raguž